

Training hun sung a hin Pathian mapuina zalin masawna ding tam tak leh Kochuam khantona ding tam tak Sunday School lam tawh kisai zildaw a hia, Bial Sunday School Secretary te hi Bial sung ah kochuam tin ten mat phatchuam thei dan dan leh kithuapi thai dan dan ah a la kithuapi dingin Pathian min in i kichial uh a hi. Manipur Area Kochuam ten masawna ding tam tak i nei nalai ua, Sunday School chia dan leh kikaihuaina lam pang ah masawna kalbi pawimaw tak a hung hi i kinem tak zet a hi.

Report petu
Upa Lalthuoisang,
i/c MSSU Manipur Area

Editorial

KHRISTA ZALAH ZAWNA CHUN

Hinna Vak simtute zosia la lengun Jesu Khrista minin Chibai!

Paul chun, *“Himaleh, Pathian chu pak in um ta hen, ama’n Lalpa Jesu Khrista ah chun zawna chu ei pia ta’i”* (I Kor. 15:57) a ti. Gingu zosia hin nis’in a zaw ding i nei chiat ua. Khrista’n ginna ziaka zawna a piakte chu ziate hi nei ngei in au.

1. **Ginna det a nei hi:**

Gingu tamtakte’n zawna i taksap ziak uh hi ginna i mat nasat lo ziak uh a hi. Lunglutna, phurna, leh nasep ah i ha kingak bek set ziak un. *“Thilbi ziak a hi pua’i; chutilochun mi kisuang khan’n au”* (Eph. 2:9) ti a hi ngal a. Ginna suk hat theina ding ahin i neisa chu mat mai ding a hi. Ginna chi chu tu mai in. Khanlet sak in. Tichun, ga hung sua intin Khrista’n zawna hung pia ding a hi.

2. **Launa a nawdawk hi:**

I chennau khawvel hi launa mun a hi zo ta. Lei mihingten a lau pen uh chu nis’in ah thil tung- kidona, linling, kitha-kimat leh khawvel suksiatnate hi a hiu. Khristiante’n vang bangmacha lau puaitiu. I bitnau’ chu Khrista a hi ngal a. Pathian thu chun, *“Lau him him kin, ka hun umpi zing hi”* (Isai 41:10) ti ei tiam ngal a. Pathian taksangte kiangah chun Thagau Thiangtho in Khrista zalin zawna ei pia a hi (Joh. 14:27).

3. **Lungkiakna a subei hi:**

Gingu tamtakte a lungkia sek ua. Mani bep kingaikhawk leh nei leh lam chungchang ah i buai tak luat ziakun Pathian a dingin hun i nei thei puau a. Khrista zalah zawna changtute chu Pathian a **khatna** ah kawi sekte a hiu. *“A gam leh felna hawl masa’n le chin thil dang zosia le piak belap in um in lau”* (Matt. 6:33) tiin ei tiam piak ngal a.

4. **Malam thil a kawmu’i:**

Gingu khenkhatte’n Thagau Thiangtho puihuaina a ngaisak lo ziakun Khrista zalah zawna le a tasam sek u’i. Pathian puihuai leh umpi ah um zingte chu ama’n umpi zing in ah. Tichun, Khrista ah chun zawna chu tu leh kumtuang tiangin nei zing tanau (I Kor. 15:57). *“Thagau thutak chu a hung tun tak leh, thuthak zosia’n hun pui lut intin... thil hung tung dingte chu hun hiatsak in a* (Joh. 16:13).

Lalpa’n Hinna Vak simtute zosia malzawl chiat ta hen !



MPCS MANIPUR AREA

*Rev. R. Lalhmingsanga
Administrative Secretary*

1. **Sum dinmun** : Financial thak, tha thum (April-June) Kochuamte'n ₹ 1,34,77,481/- Office in i sunglut thei ua kipak a um tak zet hi. June tha sum dinmun chu zia gual hi a hi:

1) *Pathian gam dinmun (June 2019)*

Budget Head	2019-2020 Budget	May '19 Receipt	June '19 Receipt	Total Receipt
a) Pathian Gam	3,07,40,000	27,98,560	24,50,803	75,17,540
b) Anchangham	35,60,000	3,29,650	63,32,803	10,27,331
c) Gamthak	1,33,00,000	15,98,039	14,82,263	43,63,759
d) Sêmtu Chawpna	15,00,000	1,45,186	1,68,520	4,48,107
e) Sakramen	2,00,000	37,088	5,409	97,254
f) Sunday School	1,00,000	9,643	2,710	18,270
g) Kichenna	5,000	1,070	500	3,570
h) Damdawi In	<u>35,000</u>	550	600	1,650
Total	3,20,00,000	49,19,786	44,43,608	1,34,77,481

2) *Pastor Bial chuam chuam Pathian Gam sunlut dan:*

Sl.no Bial	May, 2019	June, 2019	Thelut zat
1. Imphal	7,50,940	6,85,730	03
2. Lamka	7,18,165	6,82,886	03
3. D. Phailian	6,51,235	5,26,653	03
4. New Lamka	6,09,556	4,46,540	03
5. Mata	4,52,675	4,36,803	03
6. Kangvai	3,35,731	3,14,381	03
7. Sugnu	2,58,366	2,02,860	02

**MIZORAM PRESBYTERIAN CHURCH
MANIPUR AREA
Sunday School Secretarial Residential Training
REPORT**

Mizoram Presbyterian Church: Manipur Area, Sunday School Secretarial Residential Training chu date 25th – 27th June, 2019 sung in, Manipur Area Office, D. Phailian ah mat a hia, Zia hun a hin Mizo Sunday School Union Kikaihuai Dan leh Sunday School Secretary te mawpuakna leh panlak ding dan zilkhawmna nei a hi. Rev. R. Lalhmingsanga, Administrative Secretary in Training thiltup leh vaidawwna thu a gen a, Rev. K. Neihsial, Coordinator in Programme highlight a bawl hi. Pastor Bial 15 apat in Bial Sunday School Secretary Mi 25 a pang thei u'i. Resource Person te chu:-

1. Rev. Jerry Zoliansanga, i/c Lamka Pastorate
Topic – Child Evangelism
2. Upa Tinliankham, Assistant Engineer PHED Dept.
Topic – Sunday School Pawimawna
3. Dr. Asem Vaiphei, Shija Hospital, Consultant & Sonologist
Topic – Child Psychology.
4. Dr. Soilalsiam, Ph. D. Principal RHMS.
Topic – Teaching & Discipline
5. Rev. S. Khaikholam, i/c Kangvai Pastor Bial.
Topic – Zilsaktute mawpuakna
6. Upa Lalthuoisang i/c MSSU Manipur Area
Topic – Sunday School Chanchin
7. Upa Lalminsang, MSSU Trainer
Topic – Kikaihuaina Dan

chu midangte gensiat a hung hi sek a, mi gensiatna a hung hiat phatleh thasia kisa'n a nuak khawlaw sek a, a hun chu lawsam takin a mangzo ta sek hi. KNP puitute hi chu i ko ua kinga taphawt sêmpiting ziang thei ding ah theitawp sua mi i hi dinguh a hi. Mi'n theitawp a hung sua phat ua leh chu a theitawp uh kha sang bek bek lo maleh, mite'n a ngaidam thei sek ua, sê m dingah kotu Pathian inle a theina kha a hipun piak sek a, a nasepna chu mal a zawl piak sek hi. **"Kipumpiakna kimna ab chun kipakna a kim sek"** ti a hi kha.

Lekhabu ette :

1. Taylor, H. *Tend My Sheep* (Applied Theology). ISPCK, Delhi, 1989
2. Dennison, Justin. *Team Ministry* (A Blueprint for Christian Leadership) First Indian Edition, Andhra Pradesh, 2001.
3. Fernando, Ajith. *Leadership Lifestyle* (A Study of 1 Timothy). GLS Publishing, Mumbai, 2000.
4. *C.K.T.P Handbook*, Fourth Edition, Synod Press, Aizawl, 2006.

8. S. Kawtlian	1,99,965	2,38,937	03
9. Delhi Kochuam	1,88,160	82,917	03
10. Munpi	1,27,482	1,57,067	03
11. Leijangphai	1,18,444	34,471	03
12. D. Khawzim	1,02,290	1,61,960	03
13. Sharonphai	67,360	72,470	03
14. Leilon	65,720	71,300	03
15. Panglian	48,215	78,386	02
16. Kawlhen	44,121	74,815	03
17. Dumlian	42,625	42,842	03
18. Phaipheng	36,220	23,240	03
19. B. Phainuam	31,750	17,460	03
20. Tungkyaw	20,400	16,350	03
21. Jiribam	19,095	19,835	03
22. Phailianbung	16,150	38,530	03
23. Nanphalong	7,200	7,400	03
24. Chingmei	4,170	6,275	03
25. Kalaymyo	3,750	3,500	03
26. Guwahati Kochuam	-	-	-
27. CKNP	-	-	-
Total	49,19,786	44,43,608	

2. Staff Quartes sutzawp kit thu

Manipur Area Office mun ah Quarters sak chawmkhat a la kichawl chu sutawp kit a hi ta'i. Tukum (2019) sung ngei ah zaw kinep a hi.

3. Guest House sak pat a hi ta'i

Manipur Area in Imphal mun ah gam a neina mun in **'Manipur Area Quest House'** sakna nasep chu Imphal Pastor Bial Standing Committee malakna in sak pat a hi ta'i.

4. Pastor Quarters thak pani sak thu

Impha Pastor Bial leh Lamka Pastor Bial Pastor te a ding in Quarters sak pat a hi ta'i. Lamka Pastor bik hi a mun chawn ah sak thak a hin, Imphal pen hi a thak a hi.

5. Bible suk thak thu

Ningkum (2018) ah Bible i sut uh kha chawmlo kalin zawk zaw ngal a hia, Kochuamte mamawna hiatpiin Manipur Area Committee lemsakpina'n 3000 (sangthum) sut kit a hi. October thatawp ahem November thabul ngei ah a hung tun kinep a hi.

2. Sunday School Secretarial Residential Training

June 15-17, 2019 sungin Manipur Area sung ah Pastor Bial chuam chuam Sunday School Secretaryte a ding ah **Sunday School Secretarial Residential Training** kiguanggal chu Area Office ah lawk takin mat zaw a hi. Bial 16 aptin mi 25 a hung pang thei u'i.

6. KNP Leadership Training/Seminar

June 23, 2019 ni'n Manipur Area pum huapa Central Kochuam Numei Pawl in Leadership Training/ Seminar Presbytery tinah a guanggal chu lawk takin mat zaw a hi. Zia hun ahin Rev. R. Lalhmingsanga, A/S, Manipur Area leh Rev. K. Neihzial, Area Co-ordinator ten a zik uh, "**Puitute mawpuakna**" a zilkhawm ua, KNP Ban Bu leh zil a hi bawk hi.

dingin ginchak a um hi. A genkhen dante'u vak taklang hitiu:

Manager chu guanggalna umsa mangah sep hi a hia,

Leader chu thil umdan guanggal feltu a hi.

Manager chun a sep dingah kipia chu zo takin a sempiting sek a,

Leader chun sêmtute pha takin a kaihuai sek hi.

Manager chun midangte thupukna a zawm a,

Leader chun thupukna a siam sek hi.

Manager chun tup (*goal*) tunna dingin a sêk sek a,

Leader chun a tunna ding tiang uh (*goal*) a siam sek hi.

8) Suak nasepna

Puitu *quality* pawimaw tak pakhat chu suak gualah kingainiam theina (*servanthood*) hi a hi. Thunei kisak ziakin bangma a bawl pua, kuama kiangin zâna leh ngaisanna a phût ngai pua'i. Midangte phatna ding leh Pathian lopina dingin a sêk tawp mai hi. A nasepna pawlpi phatna ding têna dingin khawvel *standard* a mang pua, Pathian thu bep a mang zaw sek a, a nasep chu Pathian nâ a hi ti a hechian a, Pathian dawidan ah pawlte a puihuai theina dingin Pathian mâ'n a kipelut (*submit*) tawp sek hi.

4. KHAIKHAWMNA/THUKHAKNA

Khaile, tam tak i gen tau a, a tawpkhawk ah a pawimaw pen ah hung kilang zel chu *kipumpiakna* hi a hi. Talent hawi ah hawi ziang nei khel lo in, a sum leh pai hausakna'n le sang tak tin lo maleh, a thilhi taphawt ah theitawp sua ah kipumpiak tak ah sêk sek mi a hi phawt chun puitu lawting tak a hi zel ziang sek hi. Kipiakna tak tak le nei sam lo, thada takmai, a kilawm ding bep ngaitua ah puitu nâ sem sekte vang

A kipawlnêl ua, a theinate'u leh phatchuamnate'u chu a kingaisangpiaktua'u a, haksatna ah le a kihiam sek u'i. Ziagual ah sepkhawmna hi Pathian nasepna diak diak ah chun a gen pha khawpmai u'i. I sepkhawmpite'u hi tawh banggual in i sêmkhawm uh em leh?

6) *Kivêng talua*

Nasepna ah puitute lak leh member-te lak ziang ah le mizia chuam deu, kivêng a, kiselgu', midangte kiliasak zing kawm ah thilbawl chîng a um sek u'i. Zia chu **Defence Mechanisms** a tiu a. Puitu'n ziagual mite chu a matdaw chet chet zianglo a hi chun sepkhawmna a subuai thei sek hi. Ama leh ama kigen pha thiam ma ma, mi hiat ah lang mawî thiam ma ma ziang tam tak a um lai un mi kiselgu bangzat ahem a um tho u'i. Chuleh, haksatna ahem, buaina ahem a hung um a, thil a hi ding gual takah a um theilo phatleh kilep/kigêntha thiam ma ma, mi'n a ngaw khak dinguh lau a, mualpho khak ding lau ziak ah kiselgûkna ding hawl ah pan nasa takah la le a um khâk thei hi. Adam khan a gitlo zia kin Pathian mu ding a lâu a, a kiselgu, a thilhikhialna ah mawpua ngamlo in a kigentiang a, Evi a ngaw a hi kha (Gen.3:8). Ziagual ahin puitute lakah le thilhikhial zia kah lauthawng a, kiselgu ziang ahem, midang ngaw chîng ahem a um thei bawh hi. Mi mizia hiatna apat in sepkhawmpi ding dan hiat theina tiang chu a um sek hi.

7) *Manager maw Leader?*

Leadership chungchang i gen lai un Warren Bennis leh Burt Nanus te'n puitute chi 2 – *Manager* leh *Leader* in a khen ua, puitute â dingah i ki-etchianna dingun phachuam

PATHIAN KOCHUAM LEH A LOPINA

(*Tha masa ah sutzawpna*)

- *Hruaina Eng*

5. Kochuam hi zotu lopi a hi

A dintu Lal Jesu ngei khan mithi khawkul kawtkhak in le a ngam lo ding vangam chabi a pia, chabi hi thuneina leh thilhitheina genna a hi. Lei ah sawlkal thuneina chu lei ah tawp intin, Kochuam thuneina hi chuh vangam leh gawtmun tiang huap a hi. Kochuam thuneina hi suksiat guan Rome Lal 10- te chun kum zabi AD Phakhatna apat khan kum zabi AD Pathumna tiang awpkhum in (A.D 64-313) Kochuam ding thakte chu galpi do in a do a, tha chimit vek gua in thagum hatna'n a do hi. Kum 300 ding vel a liam nungin Rome Lal Constantine chu A.D 312-ah Khristian in a hung kipe ta mai a, zia hi Kochuam chanchin lamah Pathian thil mak bawl ti thei in a. Lal Constantine chun A.D 313 ah thupiak (Milan thupiak) a sua a, A.D 321 ah Khristiante ni (Pathianni) chu sawlkal chawl in a puang ta a hi.

Chutichun Lal Jesu a khetden lai vel ua, “Kaisar lo chu Lal dang ka nei puau,” ti ah kiko dup dup Rome gam chu, “Jesu Krista chu Lalpen a hi,” ti ah kikona gam in a kilumlet ta a hi. Zia hun tuam vel khan sukgentheina a hat ah, muntin ah Khristian a pung hat ua, Kochuam Pate lakah mi Tertutlian chun, “Sukgentheina hi Kochuam thaichi tuna (*seed bed*) a hi,” a ti khawlaw hial a hi”. Kochuam hi a din til apat tuni tiangin dotu nei zing a hia, “A vawtu'n ek a che hi,” ti gual deu in a dotu taphawt a keniam zel zaw'u a hi. Zia zia chun, do do lo ah a lama pan mai hih kumtuang tiangah ei a ding ah phazaw hung hin a.

6. Mimal leh sungkuan â dingah Kochuam lulna

Mimal leh sungkuan tinte hi khawvel thil ah bang lam hileh panna i nei tam ma mau hi. Taksa thil takah chun lawkpi tak tak le i tam ua, Political Party zuan fute vang chun taksa thil ah chun pheisam man gual mai i hi'u. Himaleh, hinkhua beidawnna leh vangsiatna tawpkhawk i tuak ni leh thân lam zuan ah puak liam ah i um ni chun i panna pawlte khan bawl thei nei ta puan tin, thamuanna ei pethei ta puan au. Zia a hi zinglai chun Kochuam ah i um hi bang hem a lul diakna ti hi tu i gen ding uh chu a hi.

Pathian guat gualin Kochuam chun kichenna mangin nupan in ei siam a, kichen saktu a guatchuam a, kichenna dan bu a siam a, kichenna kikhawp chu gun takin a guanggal hi. Cha i nei in Pathian â hi dingin baptisma thuthung ah ei latsak a, zia chu nu leh paten kitiam na'n i dawnhu'u hi.

Chate chu kum nga a tin in lampi a mansua lona dingun Sunday School ah ei ziltîl a, ziltîltu thiam tak tak ei guat piak hi. Kum 14 i hung tin phatin thupi takin Kochuam Dan sungah ei lawm lut a, ginna lamah mani keng ah ding thei dingin ei ziltîl hi. Sual zia ah inkuanin liam i tuak hunin Kochuam in ei vei a, thutak ah i chawldam theina dingin camping te, campaign te, crusade te a guanggal a, Revival Speaker ei gawipiak a, zia zia a chun sual simin taksa leh Thagau ah hin thak nei i tam ma ma tau. I damlo in ei kan a, ei pauchap piak zing a, siatni phatni ah ei thuam hawi hi. Sungkuan thina a hung tunin thamuan dingin In ah Kochuam kikhawp a guanggal a, thamuanna thucha gen in thanmual tiangin van In ah lawlut dingin dawisakna zosia tawh ei thaliam hi. Ei uh â ding ah Kochuam lulna hi lei ah nusia mai lo in kumtuang a tuk det ding a hi. Zia gual a hizing lai in Kochuam hi i gensiat

um ding dan leh programme guanggal dan i thiam uh a pawimaw takzet hi. Kum upat dan kikhiak zia kah thil bawlkhawmna ah haksatna umlo dingah pan lak a pawimaw khawpmai hi.

4) *Na kihawp thiam a pawimaw'i*

John Wesley chun, "Mi 10 sep ding chu sep gua kin la, a sêm ding mi 10 guat zaw mai in" a tia. Puitu chun nasep ding a guanggal a, ama ngawn ah a sepzaw vek ziang guat chun sêm piting ngai him him pu'a'ntin, midang mang phachuam a, midangte sêkna lam in a lawmsam thei hi. Mapuitu leh mei tik kuangtu a hi gual in, mi kipia dangte mat phatchuam dan a thiam a, mi kipialote a kipiak theina ding ua chawphûl thiam a pawimaw hi. Sawlchak Paul chun, "... bâk tinin a sep ding chiat uh a sep phat leh, taksa chu khangto in, hepina chun ama leh ama a kilem to sek ngal a" a ti kha (Eph.4:16).

5) *Midangte hi-na zâ thiam*

Sepkhawmna pha nei theina ding leh midangte mat phatchuam theina dingin H. Taylor chun kipuihuai dan chi ni a gen sek a. Pakhat chu, Officer in a peon leh chowkider te, suak gualah mat ah a mat ziang gual hi a hia, **I-It Relationship** a ti sek u'i. A sêmkhawm ngei ua, himaleh nasep giksak leh pawlche zaw deu phawt chu a nuainung zawte chanvo a hi zel sek hi. Zia Officer chun a seppite chu a zâ pua, a ngâinep a, a sepkhawmpi hi ziang leule a kawisang pu'a'i. Office tilo mun dang ah chun sepkhawmna pha nei hial pu'a'n au. A pakhat kit chu ahileh, **I-Thou Relationship** a tiu a, midang tawh kinuaisiana umlo hial ah sepkhawmna a hi.

a det a, a daisawt deu sek hi. Ziagualah chun tulai ah midangte kâwm thiam a, sepkhawmpite diak diak chu ngaichâng zing a, kikumpi thiam (*diplomacy* thiam) mi i mamaw takzet u'i. Mi khat leh ni'n kihotuak ah vak sukfel ziang thei ding chi um sek maleh, bawl takluat a um thei a, zia chu a pha pua'i. Pilvân a pawimaw hi. A hia ding dawlte'n a hiatlo ua thil a hung chiasau man a hi chun sepkhawmna chu a hung sia deu deu zel ziang sek hi. Sepkhawmna pha a um theina dingin taimat a ngâi a, dawthei a ngâi a, kipiakzaw a ngâi bawh hi.

2) *Khau khat tukhawm in, hilehle kikaitua lo in*

Puitu pha umkhawm a semkhawmte chu nasepna ah phatchuamngâi tak leh tup kigual tak nei in a um sek u'i. Upate'n "khau khat tukhawm" a ti sek gual deu uh hi hi'n a. Rev. Justin Dennison, Manchester United Football Club-ah Chaplain-ah a la pang sek pa chun, "Khau khat tukhawm te ziang hile a kikaitua'u a, a pankhawm diaklo ua leh umzia a um diak pua'i" a tia. *Football player* te le a umna *team* uh kibang ziang lehle a pankhawm thiamlo ua leh a lawting thei diak pua'u hi. Ziakiakchun, i nasepkhawmna'u ah hin khau khat tukhawm in, hilehle kikaitua lo in pangkhawm in, semkhawm zaw leuhin hât ding i hiu.

3) *Generation Gap a ti sek uh hi*

Sap gam Kochuamte ah haksatna a gên sek uh pakhat chu khanglaite tawh nu leh pate, a kum uh kikâk takluat ziakah thil bawlkhawm haksa a sak ten uh saw a hi. KNP puitute hin i member-teu dinmun zil chian in, member thak, kum chapang lamte tawh kum upa tak takte lakah

nawp naklai chun Kumtuang Kochuam neitu Pathian paw khawi kha hitiu ti a lau um khawp mai hi.

7. **Kochuam chanvo a lopi hi**

Kochuam mawpuakna hi a huaplitan a, zia khawvel hi Khrista lalna gam â dingah siam a hi. A mawpuakna a gik gual ma in a chanvo le a lopi hi. Tulai hin Israel mi hi ding hih i nuam ma mau a, Kochuam hi Israel thak â dingah Pathianin Khrista ah a tel chu a hi. Tisa ah Israel suante chu Pathian mitmu in a ting zo tapuau a, thutiam cha (Jesu Thisan ah chawh te) chu Abraham suan dik takte a hui a, zia chu Kochuamte hi i hi'u. Chutichun, Kochuam chu Khrista taksa, Khrista mo, Thagau Thiangtho ah, Pathian nam tel, Jerusalem thak, Pathian inkuante, Pathian pilnapuandawnamun a hi. Van ah vansawlhakte sang in Pathian hi i kinaipi zaw, amau chu thisan ah hin a hipuau a, ei uh hi chu thisan ah hin i hi'u hi. Sawlhak Paul chun, Vansawlhak lam

le ala ngaitua ding i hui", ti in a gen hial a hi kha.

Zia khawvel ah hin Pathian in hamphatna hung tut ding hi taleh ama chenna sungkuan Kochuam ah tunsak in a. Etsak nan, i chateu kantha dingin zin taleu hin, a invengteu In ah tung lo in i chateu In mama ah tung ngei ding i hi'u. Ziagual ma chun van ah pat in Halna Thagau Thiangtho in ei hung kantha taleh ei gam na na na chuh Presbyterian Kochuam hi a zintunna mun i hi zel u'i. Chuti a hi chun zia haw- 'mi Thiangtho pungkawm' ti te, 'Kum sang vaihawm' ti te, 'Taksa tatna thuthung' ti te leh a dangte hi a taka hung tung ding a hi chun a kingakna ding chu Kochuamte hi hi ding i hui. Kum sang vaihawmna panlo i lau puau a, ei uh chu a vaihawmpi tu ding i hi zaw'u. Malai a pat in Kochuam hin sukgentheina leh hun thim a pal theng tam ta, chunglam tha hatna a venbit a hi ziakin thimin a liakhu ngaipua, a tuamtu thim chu a su vak

zaw sek hi. Zia zia chun, Kochuam hin thim thu ah um chu a lau ngai pua, thim chu vak chansak dingin a kiging zing zaw a hi. Rome Lal sakawl zosia zotu a hi vangin sakawl a a lau ngai pua, “Lalpa min chu kulpi a hia, mifel chu a tailut a, a bit sek hi,” ti a hi.

8. Kochuam Pathian khawpi

Zia khawvel ah hi chun Khawpi lopi tak takte a chuai in a puk sia sek ui. Thuthung Lui ah Khawpi upa pawl Jeriko Khawpi chu Josua'n hansia a law zia kin natna khawk tak a vei ta'i. Sodom Khawpi chu lopi mama leh le, vaivut a suak tai. Judaten suksiat theilo ah a ngai uh Jerusalem Khawpi chu A.D 70 khan Rome General Titus in a susia vek hi. Rome Khawpi le a vanglai takin A.D 410 khan Goth ten hun do ua, a puk sia tai. Nam mawl leh ginglote khut ah Rome khawpi puk sia ta mai hi Rome khua ah Khristiante chun mak a sau a, a kap a kap mai tau hi. Chuti

lai chun Augustine chun church history thak siam piting in, “Pathian Khawpi” (*City of God*) ti a zik hi. Lei ah mihingte din Khawpi chu ala vul sek maleh, linling leh mihingte zia kin a chuai kit hi. Khawpi chuai thei lo, ding zing ding chu Pathian Khawpi din ‘Kochuam’ hi a hi. “Lalpa'n Khawpi a ven lo chun a vengtu chu a a hak thawn mai a hi,” ti a hi.

Kochuam hi Pathian ven Khawpi a hia, bangtik lai inle a vengtu Lalpa a ipmu ngai pua'i. Khawvel mi liante chu amau sang ah lal lo zawten a veng ua, Kochuam leh a sungah cheng migilo ngaidamte chu lei leh vanah ei vengtu chu Lalpa a hi. Sam phuaktu'n, “Aw Pathian Khawpi, la chungchang thu lopi takin a gen sek u'i,” a ti te, Zawlnei Isai in, “Khawpi det tak i nei ua, hukdamna chu kulbangte dingin guat in a”, a ti te, “Zia khua ah umte chun, ‘Ka dam puai’, ti tapuan au maw, a sungah chengte chu soal ngaidam in um in au,” a tite hi Jerusalem Khawpi

mang peilo leh kipiazo lo puitu chu member te tawh a tunna tianguh a kikâk ngai pua'i. Puitu chun a pawlwe dinmun hia'ntin, a chia zelna dinguh muchian dingin zil intin, a puihuai sek ding a hi.

3) Mapuitu

Leadership quality pawimaw tak pakhat chu midangte puihuai thiamna (*ability to lead others*) hi a hi ti i gen ta'u a. Puitu chu mapuitu a hia. Midangte mei tikuangsa ah kihâillum mai mai zianglo in, ama'n tik kuang intin, midang in a hung âwi zaw sek dinguh a hi. Malakna ding lampi chuam chuamte ah **mapuitu** a hi gualin mâ pui intin, lam sattu'n pang intin, mâ phutu a hi sek ding a hi.

4) Pathian lâu mi

Puitu chun a nasepna neitu, sêm dingah têtlu, theina piatu Lalpa chu a kiheimangsan ding a hi pua'i. Zia Pathian chu a lau ding a hia, a thilbawl na taphawt ah Pathian mitmei a vêng pen sek ding a hi. Midangte suk-kipak chu a phat ma ma lai in, Pathian dawidan khêl lam ah midangte suk-kipak a guat chun thilhikhial (gitlona) a hi. Sepkhawmna ah te, mimal hindan ah te, thil hina chi chuamte ah Pathian lâu mi a hi ding a hi.

3. SEPKHAWMNA AH PUITU'N HIAT DING

1) Midangte kâwm thiam

Presbyterian Kochuam hi *Democracy principle* mangah chia leh sêmkhawm i hi zia kin un mimal kua ahem, ahiloleh kuate lawi ahiau em chu pawlpi sungah thunei diak, lal diak a um thei pua'i. I nasepnate'u hi i lêng ua i hiatna'u leh pankhawmna'u mangah kisêmpiting sek a hi zia kin

thiltup umsa dungzui ah memberte puihuai dingah memberte'n Pathian miguat a teldaw uh, Khristian hindan ah det leh mi ettawn tâk a hi". Puitu chu mi piangthak, midet, mi lunglian, Pathian biak ngâina, nêl-um, ginum, muan tâk, kizil mi, ama diklona pawm ngam, kisumthei, sepkhawmpi nuam, hindan ah mi chilgil, mi taima, Pathian in a guat a hi dinguh a hi. Himaleh, ziagual ah hi-na thupi tak tak i taklatte'u hi mihing in kipianpi veklo a hi ziakin zil a ngâi hi.

1) Mi kitheng thei

Zia hin puitu chu dindetna mumal neilo lam a kaw k pua, ze det tak nei, dinna leh ngaidan mumal tak nei mi a hi ding him a hi. Zia tawhbang puitu chun member kum kikhe tak tak a puikhawm a ngâi a, mi khenkhat chu kum 30-40 vel a hi lai un, khenkhat chu kum 60-70 te a hi ta mai ua. A lunglut zawngte'u, a ngaidante'u, a kipakpi zawngte'u, a thil dute'u, a kichei ut dante'u a kikhe ta ma ma hi. KNP ah, huangkhat sungin a umkhawm ngal ua, ziaziakah chun puitu chun, a pawimaw dan a zil in, a hun leh a mun dungzui in a ngaidante, a miziate then thiam a ngai sek hi.

2) Masang ding thil thiam (*Visionary Leader*)

Puitu lungthim chu kichawldam sak ahem, kithâdâ ahem thei a hi pua, thiltung thut leh bang *style* ahem ziakin a kiling ziang ding le a hi pua'i. Pawlte tun theina ding tiang leh a bawl thei ding tiang uh bang a um diam ti a ngaitua zing ding a hi. Mabân hun ding thillaw k thiam a ngâi a, member-ten a ngaitua phâklote'u haw le kichian takah a la mu lawk a, a la zilchian sek ding a hi. Ziagual mi hi theina dingah chun kipumpiak leh vei ten a ngâi a. Ngaituana

kaw k ah gen hi maleh, zia tak a chun ngai bukim thei a hi diakpuai. Thuthlung Thak ah Pathian Khawpi Kochuam ah a tung dik a, a tun bukimna mun vangam a kaw k to kit hi. Zia Khawpi ah chun ei uh le member (*citizen*) i hi ziakun Pathian kiangah kipakthu gen thak kit hi tiu.

9. Kochuam lopi ziak

Masanglai hin Leng pakhat hin sialaw nungak a nei a, Lal khawnbawlte chun zia nungak chu a sawl lumlet ua, a musit ma mau hi. Chawmkhat zaw chun Lengpa chun a sialaw nungak chu zi in a hun nei ta mai a, Lal khawnbawl upate chun a pi uh chu za takin a en lo thei ta pua'u. Zia sialaw nungak chun ama in za umna a nei pua, Ji ah neitu Lengpa ziakin mite za a law mai chu a hi. Ziagual ma chun Kochuam hi a dintu leh a neitu Lal Jesu ziak ah lopi a hi. Lal Jesun a melma kha a cha dingin ei pawm ta, Kochuam ah min khum khawmin hukdamna bang in ei humbit a. Kochuam

chu a din a, taisan lo in a awp khum a, mi pakhat pani bep le ama bia ah a kikhawp un a lakun a pang hi.

Kochuam genna paukam i tak latsa pakhat *kyriake* chu 'Lalpa â, Lalpa gochan' tina a hi. Zawlnei Malakia'n, "amau chu ka gochan bikte hin tiu in..." a ti kha Kochuamte hi i hi tau. "A khut chang lam ah aksi pasagi chaw i ah suangmantam khawnval kawina pasagi lak ah um pa khan," ti i mu'u a". Khawnval kawina pasagi chu Asia gamah Kochuam pasagite genna a hia, amau lakah chun Kochuam neitu Jesu chu Thagau in a a chenchil a hi chu. Chuti a hi chun Biak In ah i kikhawp uh hin neitu chan chang takin i lak ua Jesu a chenlai hi Thagau mit in i mu sek em? I mu lo a hi chun i kikhawpnau hi a lawsam zing ding a hi. A dik tak chun i Kochuam puitute hawle a titlona ah i sawisel sek ua, a titlo a hui ti hi amau mama in suanlam umlo khawp ah a kimuchian ua, kifui hat tua zel i pawimaw u'i. Himaleh,

Kochuam hi Lal Jesu â a hi ziakin puitute lakah kithada deute'n le ei vaihawm piak maleu, a neitu chun malam zuanin ei puihuai tho tho hi a mak a hi. Chuti a hi chun puitute tit zolona sangin Kochuam neitu hi mu lianzaw leu hin hawi zing in a.

Khaikhawmna

Kochuam lopina leh danglamna chu i gen tau a, “A kim le ka he zopuai, zia lui gal a pat hin,” ti La gual kha a la hi. Lei ah Kochuam hi a chang din pua, van Kochuam tawh a kizawp hi. Zia chuh gen in Hebrai ziktu chun lei hinkhua mang zo ah chia masate chun sumpi gualin ei hual vel in a a gen hi. Amau tawh tual khat leh Pathian inkuante i hi khawm vek u'i. Lei Kochuam lak ah migilo pakhat in sual a sim mai in le van ah mipi a kipak u'i, Biak In ah i kikhawp unle a mau tawh Lalpa i chawihawi khawm sek ua, mi pakhat pani bep i kikhawp unle amau tawh chun simsenlo kikhawm tina a hi. Pathian nasepna ah i kithada changte

hin van ah miten, “hapan in, hapan in,” ti in ei tilkhau ua, sual gal do i unle i ma'u in a pang hi.

Zawlnei Elisa kha le Suria sepai in tha gua ah a sawisak lai in a suakpa chun a lau ma ma hi. Elisa chun vang, “Lau him him kin, ama lam a pang sang ah ei lam ah pang a tam zaw'i” a ti'i. Amau panpi dingin van sepai hawnte chu a Thagau mitin a mu a hi. E.C. Clephan chun Thagau mang i mat phatle van angelte chun, “Halleluia! Lalpan a mu kit tai”, tin a kiko sek u'i tin la a phuak hi. Footballer David Beckham chu England Lengnu Good Book ah a chuang hi a tiu a, min a ngaisang khawpmai u'i. Ei uh chu gam lopi ah i piang puau a, khawvel huap ah mi lar i hi puau a, high level-ah member le i hi diak pua'u a. Zia haw zosia gawpkhawm sangin Lal Jesun “Ka Kochuamte” a ti ah member i hinaw hi a lul zaw, a lopi zaw'i. Lalpa'n simtute zosia malzawl ta hen.

KNP HUANG

THUPI: PUITU LEH A MAWPUAKNA

(KNP Leadership Training Seminar paper apat lak sawn a hi.)

*Rev. R. Lallmingsanga
Administrative Secretary*

1. THUMAPUI

Chambers 21st Century Dictionary chun ‘Leadership’ chu ‘The ability to lead others’ ti in a hilchian a, zia chu ‘midangte puihuai theina’ tina'n ngai thei in a. Mihingte hi a hawnp i ah khawsakhawm i hui a, ziagual ah khawsak khawmna ah chun hinkhawmna'n umzia mumal tak a nei theina dingin puitu pha i mamaw'u a. Puitu chun midangte a puihuai theina dingin ‘puihuai thiamna’ (*skill to lead others*) a mamaw bawk hi. Tuni hin zia puitu hi-na, mawpuakna leh mizia phate chu zil in, puitu hi-na, a mizia dingte leh a zil thak to zel dingah thil pawimaw tak takte zilkhawm ding i hui.

2. PUITU CHU KUA A HI EM?

Zia dawtna hi mithiam tam takte chun dawnhuna a baw u, a dawnhuna'u khenkhat vak taklang leuhin:

Lord Montgomery, sepai hotu pakhat chun, “Puitu chu mipi, mizia chi chuam chuam neite tup (*goal*) kibang ah puikhawmtu a hi” a tia.

Eugene Habecker chun, “Puitu chu mipite Pathian thu leh a dawidan ah puikit theitu a hi” a tia.

Justin Dennison chun, “Puitu chu midangte kiangah tulai takah a dinmun uh hiatchiansak a, a chia zelna dinguh kawkm u a, puihuaitu a hi” a ti bawk hi.

KNP huangah chun, “Puitu chu pawlpi kikaihuaina leh

in ahun pia, chuleh a tup leh dawi pen chu ahileh Setan thilhitheina leh thim Lalgam a kipat ei hung taddaw ding chu ahi, Thagau Thiangtho ei hung piakna ziakin sukhat ah um in thilhitheina i nei uh a hi. Vangam *Lampi tiang muna* bep hilo in maleh a muntun theina tiang in: Pathian mitelte chu kua'n hek thei ding a hem? Thiam chansakpa chu Pahian ahi ngal a. Thiamlo chansak chu kua'hem? A hung thi Khrista Jesu kha ahi; ahi ngut hi, a thokit ah Pathian khut changlam in a um ah, ama chun ei pauchap piak zing a hi. Aleh Khrista hepina ah kipat chun kua'n ei khen zo ding ahem? Thawk gimna'n a hem, Lungkhamna'n ahem, ngawnchang hi na'n ahem, lau umna'n ahem, chemjam in ahem, ei khen zo ding ahi diam? Nangma ziakin nitum in tha in ka um sek un; belum tha ding gual ah sim in ka um ui ti ah zik gual khan. Ei khen zolo e! zia zosia ah chun ei haw ei hepipa zal ah chun gal zote sang ah chungnung zaw

i hui. Kichian takin ka he a hi. Thina ahem, hinna ahem, vansawlchakte ahem, lalna ahem, thilhitheina ahem, sanna a hem, thukna ahem, thilsiam dang him him inle i Lalpau Jesu Khrista ah um, Pathian hepina kipat chun ei khen zo puan a. (Rom 8:35-39)

1. Aman ei tel a
2. Aman thiam ei chan sak a
3. Aman ei tan a
4. Aman ei siamthak a
5. Aman cha hina ei pia
6. Aman ei suthiangtho a
7. Aman kihiat chianna ei pia
8. Aman ei chawisang a

Gitlo ngaidamna chang ah hukdam i hi'na bep uh hilo in Pathian goluatu leh Khrista goluapitute chu i hui hi. Hukdamna buting chu vangam a tawp pan ding ahi; thiam ei chansak bep hilo in, lopi tak in ei hung chawihawina lai ding a hi (Romte 8:7,30).

Simtute zosia Lalpa'n hun malzawl chiat ta hen.

DAMNA BUKIM JESU (*Sim ding*: Mt 4:23-25; 9:20-22)

—Rev. H. Biakthansanga
Hospital Chaplain

Khawvel ah mihing natna i nei thei zosiate hi 100,000 vel hi ah gen a hi. Khawvel mihing maktaduai 800 chun an sum mu'u 10% chu natna zia ah kietkawlna'n a mang u'i (*Reuters, 06 April, 2018*). WHO-in thupi pawimaw ah a nei chu '*Mi tin a ding ah hiselna*' ti a hi. Zia ding a chun kum sin in Sum Vaibelsia tam tak sen a hi zing sek hi. Zia chu a hi zing lai in natna thak leh lauum tak tak mu belap zel a hi.

1. Taksa leh thagau damna i mamaw chiat u'i

I hinkhuau a hin i kinep gual uh leh suangtuana gual i mu khel puau. I chenpite, lawi leh pai leh mi dang dang a pat in i natna ding a hung um zel sek hi. Lungthim natna hin taksa leh thagau nasa takin a khawi kha sek a. Taksa natna in lungthim leh thagau, thagau natna in lungthim leh taksa a khawikha thei bawh hi. Ziate hin i tun ding chan ei tun sak lo sek a, hinkhua ah lawpsapna ei tun sek hi. Mi zosia hin bang ahem khat bek in damna i mamaw chiat u'i.

Pathian apat in mihingte chu thi i hi'u a

(Rom 5:12). Taksa leh thagau ah thina chun mihingte a fangsuaq ta'i. Pathian in ei hinsak kit ta a hi (Rom 11:36; I Kor.6:20; 10:31; Sam 86:9). Paul in mihing hina chu, "... thil kilawmlo te subuting ding ah a lungthim pia in, Pathianin a kiheisan ta," (Rom 1:28) tin a gen hi. Mihing kilaichinna pha tak ah um zing kha kimawsaktuain, thiam zaw ding kichuna leh mani masialnain a dim ta'i. Zia khawvel ah thim thuneina neitu chun mihingte lungthim chu a lamang ta (2 Kor.4:4). Midangte tawh ei kido sak a. Sungkuan, khawtang, gam

leh nam kidona a tut sek hi. Thilsiam dang leh mihingte kikal leh thilsiam leh thisiam dangte kikal a se ta baw k a (Rom 8:19-22). Mihingte dinmun chu thim a hung hita a hi. (Eph.5:8).

2. *Damna dawî ab zuantute Jesun a la sudam sek hi*

Jesun damlo a sukdamte hi a ginnau zia k ah sukdamte le a um u'i (Mat.15:28), Khenkhat chu Damlo insungmiten Jesu kiang ah a pui zia k ua dam (Mk.7:32), khenkhat chun damlo ten Jesu a dawt zia k ua dam (Mk.10: 47-52), khenkhat chu Jesun a lungsiat zia k a dam (Mat. 20:34)- te a hi'u. Jesu zuantu damlote, ama ngei in damlo a kimupite, damlo insungmite'n Jesu kiang ah a puiteu hi a lengun Jesun a la sudam siksek a hi. Damlote sukdam thu a hin *chawplehchilhin, a dam pai tai, thakhatin* ti-a gen a hi'u hi. Awl awl ah hung dam hilo in a dam pai ziang sek uh a hi. Jesu â dingin natna sukdam theilo a um pua'i (Mat.4:23).

Jesun damlo sukdamna ding a hin thu, chil leh buan leh a khut a khawi tite hi matchak in a mang hi (Mat.12:13; John.9:6; Mk. 8:23). Rom mite leh Juda Rabbi-te chun mitduk etkawl na ding a hin chil a mang sek ua. Chil mang lo hin Jesun a sudam thei hi. Pathian a ginchak theina dingun zia hun lai ah mite hi dan gualin Jesun damlote a sudam sek a hi. Tulai a damlote hile damdawi mang lo ah Jesun a ginna zia k ua damna chang mu ding a um u'i.

Damdawi mangcha ah Jesun a sukdam a um baw k u'i. Damdawi mang ah damna hawl hi Jesu taksanglona a hi pua'i. A bang chu hitaleh Jesun ei sudam thei a hi. Lal Jesu hin sukdam theina thil hitheina (*grik.dunamis*) leh zia thilhitheina mat theina thuneina lak a thi i hin au hin thil pathum a kankhawm hi — (1) Pathianin mihing nak ah hu a tha lut hin mihing a hung hita a hi. (2) Pathian thupiak bawtsiat a

HEPINA HIN GITLONA SANG IN THIL AHI THEI ZAWI

-T/Upa LM Vaiphei, S.Munnuam

Khawvel slam ma pat Khrista ah tel chuamte chu ihu hi, gilo ah um zing ding ihu em? Paul in tin agen ahi. "Gitiona chun la chung un thunei talo ding ahi ngal in. Dan vaihawmna nuai ah um la hi to puau ah, hepina nuai ah um la hizaw tau hi" (Romte 6:14). Setan in ei them thei ma ahi, chun hun chawmkhat a dingin gitlo in ei pui lut thei a hi. Himaleh, Pathian khut a kipat in ei la mangthei pua chuleh hukdamna kipatin ei gu mang theilo a hi (Johan 10:27-28). Gingtute hi gitlo hinkhua mang maleu zia zia k a hin Pathian in taisan in a paitha mailo ahi, Pathian hepina thupi tak mai hin a cha piangthakte hi taisan ah nusia mailo ding ahi dan a kichian hi. Amau a na asep tak chu a tawp tiangin hi bukim ding ahi (Philipi 1:6). A nungtawlte tun ding kitna dingin pan ala a hi, thumanglo leh thada taka I um a hi chun, pa'n a chate a thunun sek gual in ei hung sawi ding ahi. Gitlo ah i puk phat leh ei nusia pua ei sawisek zaw a hi. Van a pa ei hepitu chu ahi zia kin, i gitlona lampi'u apat a i phatna ding un ei pui sek a hi.

Chate hilna gual ah le, Pathian in cha etkawl ah tilhanna thu kigente la hemil ahun etkawl ahi, Pa thunun tau hi. "Ka chapa, Lalpa lo cha kua a hem um ngai? thununna chu ngainep kinla, (Heb.12:5-7) a zilgai inle kithadâ diak kin Lalpa'n a hepitu chu a thunun sek in, cha a lawp tapo chu a vaw sek salo la hem?" ti hi. Thununna chu la thaw k ua Ama chu khawvel siam ahi ma apat ah ei la teltu chu ahia, chun a chapa changkhat neisun Khraws ah thi ding

(3) **Kochuam mu kêdawna leh din detna** Pastor pakhat chun, “*Sunday School hi kum sawm leh nga sung sutawp ta leu hin, Kochuam member a kimkhat in kiam zo ngal in ah,*” a ti’i. Zia hin Sunday School pawimaw zia a taklang chian ma ma hi. Sunday School hi Kochuam mu thedawna (seed bed), chawp seilianna (*nursery*) leh etkawl zuina mun pawimaw tak ahi zia in, Kochuam dindetna leh masawn zelna lampi ah Sunday School nei phat hin lampi a siam na sa ma ma hi.

(4) **Khristain hindan pha zilna mun:** Tuma lam hun gual in zilna in tam tak ah hindan pha leh umdan hawi kiziltilna hun a tam tak lo zia leh mi tam tak â ding ah Sunday School hi zia gual ziltilna a dawnnau um sun a hi tak zia kin, Sunday School hi tumalam hun lai sang in a pawimaw zaw diak hi. Sunday School hin thiamna leh pilna bep hilo in, taksa

leh thagau hindan ziltina dik tak a nei zia kin in school zosia lak ah pha pen a hi.

(5) **Sunday School thiltupte:**

1. Pathian Thu zilna mun a hi.
2. Khristian Thugin zilna mun a hi.
3. Pathian Biak zilna mun a hi.
4. Kochuam mi phatak hi ding zilna mun a hi.
5. Khua leh tui phatak hi ding zilna mun a hi.

Lalpan simtute zosia Sunday School ngaikhawk zawsem ding in malsawm ta hen.

hi khan, mihing leh Pathian kilaichinna chu a thi ta a hi. Mihing in Pathian hinna i nei uh chu a tawp ka. (3) Zia hin Pathian hepi sangin mani kihopina in i dim zo tau a, Pathian lopina pe loin mani lopina ding i hawl zaw tau hi (*grik.exousia*). Zilsak sawm leh ni te a piak kha le zia hi a hi (Lk.9:1).

3. Damna kim chang ding in Jesu bel hiti’u

Kum 38 sung natna vei ta kiang a chun, “Sukdam la nuam em?” a tia (John.5:6). Sukdam a hi theinas ding in lampi a hawn piak a. Damlo hin damna chu a daw i a. Damna sang ma in damna a chan theilo dan a lungthim in ngaitua lian zaw’i. Damna chu a daw i a, damna chu a daw i tak tak em ti Jesun a he nuam a hi. Ei sudam dingte, hatlona leh damlona la mang ding ah Pathian kiang ah pauchap hi thil haksa a hi pua’i. Sukdam i nuam tak tak awm ti hi Jesun a hiat nawp chu a hi. Bethesda dil ah damlo hin damna a chang

a. Hindan thak leh kinepna thak a nei khawlaw ta’i. Mani kihopina, chapona, launa, beidawnna leh nungtawlana apat ah sukzalen a hi. Isai in, “... i natna te’u puan, i lungngainate’u le a paw ngei a”, ti in a gen hi. Matthai chun, “I halonate a leh nanate a pua” (Mat.8:17) a ti kit hi. Pua (*heb.nasa*) umzia hi ‘lak piak, puak piak’ a hi. Jesun i natna teu ei lak kian piak ta a hi. A thilhitheina chun i natnau ei sudam a (Mat.8:16-17). I natna teu hi dan leh ti hilo in hidam i hi tau ti ah Isai in a gen gual in sukdam i hi tau a hi. “La gin chun Pathian liopi zia mu ding la hi, ka hun hi hilo a hem?” (John.11:40) tiin Jesun ei hil hi. Simtute zosia Lalpan mazawl ta hen.

BELAMPU PHA

Johan 10:1-21
Pu VK Thanga, Revival Speaker

David hi a neilai apat in a pa Belam te ching in a pang a. Chapang cha a hi vangin ginum takin a pa belam chu a ching sek hi. A pa belamte lamin a lungthim a kaw i a, a ngaitua zing sek hi. Belamte nek ding ngaitua in zingkal ma tak in a tho in, an pha hawlin a chia sek hi. Sun phat leh zia muna chun a belamte a ching sek a. a belamte a mu suak teina ding in mual baw k a hem, thing chung a hem a patin a en zing sek hi.

Gua zu hen lang nisa sa ziang maleh, sun sahang te lak in le a zamsan ngai puai. Tuikul khat a siam a, zia tuikul a chun natak lam tak leh belam te a puia tui chu a suak daw k sek a, a dawn sak sek hi. Chuleh, Belamte a ding in kul lian tak a siam a, a kawtkhak chu chawp lut thaw ah lut ding in a siam a, zia kawt bul a chun pang in pakhat khat in a min chiat uh lamin Belamte chu a lutsak a, a lut zaw tak uh leh kawt bul a chun lupna a siam a, zia chun giakin a bleamte a veng sek hi.

Zan thim hun ah gam sahangte belamte nek ding gua ah a hung tak ua leh a theile a hem, a tingtang a hem a suging sek a, zia chun ka pun ei veng zing nai tin belamte chun thamuang takin

a um sek ui. Sahangte masang a chun belamte suksiat ah a umlona lona dingun a pang sek a, belamte a ding in a hinna itchak neiloin a pedaw k sek hi. Hepina nei tak leh kukal tak belampu zalin belamte chu lim leh bit takin a um sek u'i.

Zia zia k a chun a pa taksanna leh kipakna a chang a, Pathian taksangna le a hung changto pek a hi. Pathian in a belam Israel te enkawl ding in a pansak ta a hi. Lalpa lungdamna chu taksa leh thagau ah lawtinna a hi ti hian Belamputen i belam teu i etkawl dan enphan kisudik hi ti'u. Dan leh vaihawmna bep buaipu lo in i belam chin te lak in i lungthim leh i hinnau piai ti'u. Lalpan a thu malsawm ta hen.

SUNDAY SCHOOL PAWIMAWNA

Upa Tinlian kham,
Gilgal Langgol

Sunday School hin Kochuam masaw nna leh gingtu mimal khanletna lampi ah pawimawna tam tak a nei a, zia a nuai ah gual hin gen thei a hi:

(1) **Chanchinpha kipiaksaw nna pawimaw tak ahi :** James de Forest Murch chun, *“Khawvel in Khrista Chanchinpha hi a mamaw a, zia piadaw k ding ah chun kochuam a din a, pia thei ding a kiguanggalna chu Sunday School hi a hi. Ziaziakchun, Sunday School hi khawvel in a ngak pen chu ahi,”* a ti'i. Khangthakte kianga Lal Jesu Chanchinpha leh ginna latsaw nna pawimaw tak ahi zia kin Sunday School nei pha Kochuam chu sawt lo cha in a danglamna a hung kilang pai sek hi.

(2) **Pathian hiatna leh ginna dik tak nei ding ah mite guanggalna:** Mi'n Beginner a kipat Senior tiang pha tak ah Sunday School a kai chun, Pathian thu hiatna ah te, Gingtu hinkhua detna leh pitinna lampi ah te, mihing hindan leh hi didawl hiatna ah te a kivaw k sang bik sek u'i. Hinkhua lampi petmangna a neikhak pangpal chun le kinung kitna lemchang a hau bik u'i. Zia

bep chule hilo in zilchianna ah kipat a kilat dan in pha tak ah Sunday School kai sek te chu sualna leh gitlona lian tak ah a kipuklut ngai puau. Tangval gilo mi 2700 Court ah a pui teu chu, *'Sunday School kai ngai lo a hii'*, ti'n New York ah judge Fawcett chun a gen hi. Mizoram ah le Central Jail ah tang mi 236 te lak ah Sunday School kai kim chawihawina dawng a um kha puau.

thagau hinkhua le a suthak zêl a hi. "Ama'n a gen zêl na a chun Bible tilo hi lekhabu dang America hinna siampiting a um pua'i. Pathian thu tilo ngal van thim tak nuai salvak thei ding a um pua'i a ti. *La Bible simna a patin sukthakna la dawng kha em? La buaina cheng dawnhuna Bible in a um suakkei hi.*

THUKHAKNA

Khawvel a lekhabu chuam chuam in pilna, thiamna, hausakna, minthanna ding tampi ei kawkmua thei a. Ziate chu mu gua'n sum tamtak mai sengin lekhabu i chaw'u ah, hun tamtak mai sumang in i sim zing sek ua. Himaleh, Kumtuang dai ding bangma ei pia thei pua'i. Kumtuang a Hinna ding le ei pia thei diak pua'i. Zia ei pia thei um sun chu **BIBLE** a hi. Nisin chanchin leh thuthangte hiatkal ngakla in Newspaper/ Current affairs te chaw'n i sim taima ma ma mai sek ua. A nei zolo leh a chaw zo lote nangawn inle invengte/hotel vel in i va sim sek uh hilo

maw? Nicheng a Newspaper sim khaklo ding bang i lau ma ma sek u'i.

Maleh, Bible sim lo khak ding lau diak lo. Nisin ah malsawmna dawnna, Pathian tawh kihomatna umsun leh Hinna ei piatu lekhabu, BIBLE sim hemil leh sim khalo i um ule vang kingaitua hun tak zet a hi. Bible ka sim man pua'i ti tute hin hun a nei ua, a sim peilo ziak uh a hi nuam hi. Nisîn a Bible vel khat bek simlo chu Pathian thu hiatna leh Pathian tawh a kikal tasam ding a hi. Thagau an la neklo chun la Thagau gilkiâl zing ding tina a hi.

America President'e'n Bible hi a ngaisang ua, a sim ua, a zui ua, a haksatnau suk zangkhaina leh kingakna'n a mang ua. Nang in Bible hi bang ti'n la mang em? Zia **LEKHABU THUPI PEN** hi la ngai thupi in la ngaisang na em?

LEKHABU THUPI PEN

~Rev. K. Neihzial

THUMAPUI

Khawvel a lekhabu ki sim tam pen, kizuak dawk tam pen leh kumtuang Hinna/Hukdamna ei kawkmua thei lekhabu um sun chu BIBLE hi a hi. Zia ziak a hin Bible hi LEKHABU THUPIPEN iti lo thei lo a hi. Dr. John A. Hash chun "USA gam thupi taka siam pitin a aum hi thil dang ziak hi lo in Bible hi abi" ati. A gen zêl na a chun ka gam sung ua mi thupi leh milian tamtakte'n Bible hi thuneina a matchak uh a hi. America hung hatna chung chuang a hi ati'i. America Presidentte'n a nisîn hinkhuau ah a Bible mat dan uh zillai ding tam tak mu ding kinem in vak enkhawm hitiu.

1. George Washington

America President masapen hin President dinga tela a um inauguration na chun zia kitiamna (oath Taking) hi pauchap'a'n a gen tel hi. "Pathian ei panpi in" ti in za tak mai pum in Bible chu a chawp ngawi ngawi a hi. Historians tamtakte chun USA "ONE NATION UNDER GOD" a hung umna hi Washington hi a bul kipatna a hi a ti hial uh a hi. Ama gual a hin "Lalpa, Pathian ah nei Nam" siamdawk puitu hi thei guai tiu.

2. John Adams

President 2na, John Adams in Bible hi Ningani, Simhaini, Kiginni leh Pathianni chengin a sim zing sek hi. Nangin bangtik ni'n la sim sek em? President in Bible sim man ah nang leh kei bang atia sim man sek lo i hi diam uh?

3. Jonh Quincy Adams

US President 6na'n a pang hi. A Diary Book a pat mu danin kum cheng in Bible hi vel khat zêl a sim suak sek hi. Zia ban a chun, zing a thaw zaw a dak kal masapen chu

Bible simna'n a mang zing sek hi. *Nang in Bible vel bangjat la sim suak tam? La sim suaklo chun tuni'n pan mai in kisik puanla. President hialin bawn kumkhat a vel khat Bible a sim suak man chun enle sim suak man lo ding i hi diam? Zingkal leh Bible la sim sek nam?*

4. Andkelos Jackson

(President 7na):

Jackson in, *"Bible hi Americate kingakna suangpi a hi"* a ti. A nicheng chanchin a zikna chun nisînin bung 3 leh bung 4 kikal Bible a sim zing sek hi ti mu daw a hi. *Nikhat in Bible bung kal bangzak la sim sek em?*

5. William Henry

US President 9na a la pang Harrison chun, *"Nicheng a Bible ka sim hi kum 20 masang a ka zawngsaksa(habit) a hi ta'i"* a ti a hi. Bible hi zawngsak ding kham hialin la sim kha ta'm?

6. Abraham Lincoln

America President 16na a la pang, suak zalenna mu saktu, Lincoln chun, *"Bible*

hi Pathian in mihingte kianga thilpiak phapen a la piak khak lolai a hi" a la ti hial a hi. Zia thilpiak phapen chu la mudawk kha ta em?

5. Rutherford Hyes

(President 19na)

Amah in zingkal a Breakfast a nei sin leh Bible mun khat a insung mite kiangin a sim zing sek hi. *La inkuanun Bible la sim khawm sek uh em? La insung mite kiangin Bible la sim kha tam?*

6. Benjamin Harrison

(President 23na)

Harrison in Bible a ma ngen ah a sim tilo in Sunday School nasan in le a zilsaktu in a pang hi. *Sunday School zilsaktu a pan theina ding khawp in Bible la sim in la he na em?*

7. William Mckinley

President 25na a pang pa hi ginna dettak, gingu kipezo tak, Bible a kinga zing mi ti ah het a hi. *Bible hi la gingcha'n la kinga zo tak tak nam?*

8. Woodrow Wilson

Ama hi America President 28na a pang a hi. Wilson chun, *"Bible hi hinna thu a hin, zia hinna thu hi la kisim chiat ua la ki mul hawldaw chiat ding uh ka hun dawn a hi. Bible la sim zaw tak leh Hinna thu a hi ti hun bedawk ding la hi. Aziak chu la lungthim a cheng ahi ti mudawk in latin, la kipakna hizing tan a."* La Bible simna a patin Hinna la mudawk tam? Kipakna thuguk la mu kha ta em?

9. Calvin Cillidge

(President 30na)

Ama chun Bible hiti hin a gen hi, *"Zia lekhabu sung a hin khawvel a la haksatna, buainateu zosia dawnhuna mu'n lau"* a la tia. Haksatna, buaina, lungngaina, nat leh sat la tuak tak leh kua kiangin la tut sek em? Bible sungin a dawnhuna a um ngal a.

10. Herbert Hoover

(President 31na)

Hoover chun, *"I khantonau hungkipatna hi*

Khrista zilsakna leh zawlneite zillai a pat a hi. Ziate ni mutheina ding a hin, Americate hinkhua a Bible sim zing a kulin a pawimaw takzet a hi" a ti'i. Taksa leh Thagau a khanna di'n Bible sim leh hiat hi a pawimaw takzet a hi.

11. Dweihth D. Eisenhower

US President 34na insung a hin devotion sin leh Bible simna a um zing hi. Chuleh, a mimal unle nisînin amau hun lemchang dungzui un Bible sim thakna a nei zêl u'i. *Bible la sim zing sek em? Devotion hun ah pauchapna bep nei a Bible simlo la hi em?*

12. Ronald Reagan

America President 40na a pang Reagan chun hiti hin a gen hi, *"Bible sung ah mihingte'n a la hiatkhak keilo uh buaina zosia dawnhuna a um suak kei a, America mipite'n Bible a sim ding u leh a zil (study) uh hi ka kinepna a hi. A sunga um pekte haw hin i mimal u leh i gam (nation) uh a ding thil lultak a um ngei hi ti ka taksang la lo a hi. Bible in i lungchang a khawi thei a, i*